

# PHILIPPINES 2019 30<sup>TH</sup> SEA GAMES

Sempena kejohanan Sukan SEA 2019, kontinjen negara telah menghantar seramai 773 atlet untuk bersaing di temasya dwitahunan Sukan SEA Games 2019 dari 30 November hingga 11 Disember 2019. Daripada jumlah tersebut, seramai 34 atlet adalah pelajar UPM yang terpilih untuk membantu kontinjen negara dalam mencapai sasaran pungutan pingat.

Dalam kejohanan tersebut, atlet UPM telah menyumbang sebanyak 9.78% (lima emas, tujuh perak dan enam gangsa) daripada jumlah pungutan pingat yang dirangkul oleh kontinjen negara iaitu 55 emas, 58 perak, dan 71 gangsa.





# GWANGJU 2019™

# FINA WORLD CHAMPIONSHIPS


Leong Mun Yee telah memenangi pingat perak dalam acara 10 m platform seirama di 18th FINA Diving World Championships 2019 yang telah diadakan di Gwangju, Korea Selatan pada 10 hingga 14 Julai 2019. Kejayaan merangkul pingat perak dalam kejohanan tersebut telah melayakkan beliau untuk bersaing di temasya Sukan Olimpik 2020, Tokyo, Jepun yang akan diadakan pada 24 Julai hingga 9 Ogos 2020. Kejayaan tersebut juga menjadikan beliau sebagai atlet Malaysia pertama yang layak lima kali ke Sukan Olimpik. Untuk rekod, bermula 2004 hingga 2020, UPM telah mempunyai 10 atlet yang mewakili negara di temasya Sukan Olimpik.



# SELAMAT BERJAYA!!

MUHAMMAD AMSAR ABDULLAH

MEWAKILI UNIVERSITI MALAYSIA  
DI KEJOHANAN AUFF INTERNATIONAL FOOTBALL  
TOURNAMENT 2019 TEBREK, KOREA SELATAN  
25 MEI - 4 JUN 2019



upm\_footballclub



ARIP AMIRUDDIN

AMSAR ABDULLAH

# TAHNIAH

TEMPAT KE-5 KEJOHANAN BOLA SEPAK UNIVERSITI ASIA 2019  
DI TAINAN CITY, TAIPEI

MALAYSIA UNIVERSITI FOOTBALL TEAM

## AUFF INTERNATIONAL FOOTBALL TOURNAMENT

Seramai dua pelajar UPM telah terpilih menyertai pasukan Bola Sepak Universiti Malaysia (MUFT) bagi *AUFF International Football Tournament 2019* yang berlangsung di Tainan City, Taipei, Taiwan pada 25 Mei hingga 4 Jun 2019.

Dalam kejohanan tersebut, pasukan universiti Malaysia telah meraih kejayaan di tempat kelima yang merupakan kejayaan tertinggi MUFT dalam kejohanan di peringkat Asia. Kejayaan tersebut lebih bermakna buat pemain bola sepak UPM iaitu Muhammad Amsar Abdullah, pelajar Bachelor Pengajian Pengguna, Fakulti Ekologi Manusia yang telah dipilih sebagai pemain terbaik pasukan Malaysia dalam kejohanan tersebut.

# *Victoria* OPEN SWIMMING CHAMPIONSHIP

**Welson Sim Wee Sheng**, pelajar Bachelor Sains Pembangunan Sumber Manusia, Fakulti Pengajian Pendidikan telah memenangi pingat emas dalam acara 400 m lelaki gaya bebas di 2019 Victoria Open Swimming Championship yang telah berlangsung di Melbourne, Australia pada 15 hingga 17 Februari 2019. Beliau juga telah menewaskan juara Olimpik, Mack Horton untuk memenangi pingat emas dalam kejohanan tersebut.



Salam Maju Jaya!!!  
kepada Atlet-atlet UPM ke  
Napoli 2019 Summer Universiade  
3 - 14 Julai 2019



NAPOLI 2019  
30TH SUMMER UNIVERSIADE



## WORLD UNIVERSITY GAMES, NAPOLI

Kejohanan World University Games, Napoli telah diadakan pada 3 hingga 14 Julai 2019 yang melibatkan seramai sembilan atlet UPM bagi mewakili kontinjen universiti Malaysia melalui acara memanah (dua orang), taekwondo (seorang), menembak (seorang) dan olahraga (lima orang).

Sempena kejohanan tersebut, atlet taekwondo UPM, Rozaimi Rozali, pelajar daripada Fakulti Bahasa Moden dan Komunikasi yang bertanding dalam acara Team Sparing dalam kalangan 62 negara seluruh dunia telah menyumbang satu pingat gangsa buat kontinjen negara. Pencapaian ini telah membantu kontinjen negara untuk mencapai sasaran memenangi sekurang-kurangnya satu pingat tanpa mengira warna bagi kontinjen universiti Malaysia.

# TAHNIAH! OLAHRAGAWATI MASUM 2018



Zaidatul Husniah Zulkifli  
Olahraga  
Universiti Putra Malaysia (UPM)



 Bahagian Sukan IPT

 @sukanipt.official

Kontinjen UPM telah dinobatkan sebagai **Naib Johan** Keseluruhan pada temasya Kejohanan Karnival Sukan Majlis Sukan Universiti Malaysia (MASUM) 2019 yang telah diadakan di Universiti Malaysia Pahang pada 22 Julai - 3 Ogos 2019.

Kontinjen UPM telah mencatat 44 emas, 38 perak dan 27 pingat gangsa untuk kedudukan tempat kedua daripada 20 pasukan universiti yang bertanding. Acara olahraga masih lagi dikuasai oleh pasukan UPM dengan pungutan 19 emas, 16 perak dan 7 pingat gangsa. Selain itu, kontinjen UPM juga merangkul juara berganda dalam acara Bola Tampar Lelaki & Wanita serta Ragbi 15's sepasukan dan Ragbi 10's wanita.

Menurut Ketua Pusat Sukan UPM, Dr. Hanafiah Ayub, pencapaian yang dicapai oleh kontinjen UPM boleh dibanggakan walaupun tidak menjadi juara keseluruhan pada edisi tahun ini. Berdasarkan pungutan pingat yang diperoleh, pasukan UPM masih lagi menjadi pasukan yang mampu memberi saingan utama kepada

# NAIB JOHAN SUKAN MASUM 2019

universiti-universiti untuk saingan sukan akan datang. Menurut beliau juga, penyertaan atlet UPM dalam kejohanan MASUM 2019 ini juga menjadi medan pemilihan atlet bagi kontinjen UPM untuk terus menyediakan atlet yang berkualiti menjelang saingan sukan utama universiti pada tahun 2020 terutamanya dalam kejohanan SUKIPT yang akan diadakan pada Ogos 2020 di UPSI.



ANUGERAH MASUM 2018

# TAHNIAH! OLAHRAGAWAN MASUM 2018



Syed Mohamad Syafiq Syed Cholan  
Hoki Padang  
Universiti Putra Malaysia (UPM)

 Bahagian Sukan IPT

 @sukanipt.official



## KEJOHANAN PING PONG PIALA PENGERUSI FELDA 2019

Pasukan ping pong UPM mendapat tempat ketiga Kejohanan Ping Pong Piala Pengerusi FELDA 2019 kategori Agensi/Badan Berkanun/GLC untuk memenangi pingat dan hadiah wang tunai RM400.

UPM menghantar dua pasukan iaitu UPM A dan UPM B yang terdiri daripada staf UPM.

Tempat ketiga itu dimenangi oleh pasukan UPM A yang dianggotai Mohd Fuad Kamarudin, Prof. Dr. Mohd Adzir Mahdi, Zamili Mohamed, Joha Muhsidi Abd Wahab dan Sahari Kasim.

UPM B yang diwakili Mohamad Azwar Bakar, Dr. Eris Ellianddy Supeni, Dr. Mohd Faid Abd Rahman, Mohd Noor Azizul Akbarruddin, dan Abdul Haris Wahab pula berjaya mara ke pusingan kedua.



# PERLAWANAN AKHIR RAGBI 15'S SUPER 8 IPT 2019

24 Ogos 2019 | 4.15 Petang | Stadium UPM



VS

UPM  
SERDANG ANGELS

UITM LIONS

Pasukan Serdang Angels muncul juara menewaskan UiTM Lions di perlawanan akhir Ragbi Super 8 IPT 2019 yang berlangsung di Stadium UPM. Ia adalah kejayaan keenam berturut-turut dimiliki pasukan bimbingan jurulatih Khairizal Ali Amat.



# Kejohanan

BALAPAN DAN PADANG  
SINGAPURA 2019



Atlet lompat kijang negara, **Muhammad Hakimi Ismail** merangkul pingat emas manakala atlet lari berpagar, **Rayzam Shah Wan Sofian** meraih sebutir gangsa di Kejohanan Balapan dan Padang Singapura 2019 yang berlangsung di Singapore Sportshub.


Hakimi memenangi emas lompat kijang lelaki dengan jarak lompatan sejauh 16.01 meter (m).

Rayzam pula meraih gangsa selepas melintas garisan penamat acara 110 m lari berpagar lelaki dengan kepentasan 13.82s.



## KEJOHANAN SEPAK TAKRAW, DARWIN 2019

Pasukan sepak takraw UPM telah menyertai Kejohanan Arafura Games yang berlangsung pada 30 April - 4 Mei 2019 bertempat di Darwin, Australia bagi acara sepak takraw. Dalam acara ini UPM telah menjadi Johan bagi acara beregu dengan menewaskan pasukan University National Jakarta Indonesia dan menjadi Johan bagi acara regu dengan menewaskan pasukan Singapura pada perlawanan akhir. Ini adalah kejayaan yang bersejarah buat pasukan UPM kerana ini kali pertama pasukan sepak takraw menjadi johan bagi kedua-dua acara.





Pasukan mendayung Universiti Putra Malaysia (UPM) menjuarai kedua-dua kategori lelaki dan wanita dalam pertandingan The Putrajaya Boat Race (TPBR) 2019 yang telah diadakan buat julung kali bertempat di Tasik Putrajaya.

Pasukan lelaki UPM menewaskan Universiti Malaya (UM) pada peringkat akhir, untuk membawa pulang wang tunai RM1,500 dan piala. Bagi kategori wanita pula, pasukan UPM juga mengalahkan UM, dan menerima wang tunai RM1,000 berserta piala. Hadiah disampaikan oleh Perdana Menteri, Tun Dr. Mahathir Mohamad.

Sementara itu, sukan mendayung itu merupakan aspirasi Tun Dr. Mahathir bagi menjadikan tradisi perlumbaan perahu mendayung antara dua universiti terkenal Malaysia. Kelab Rowing Putrajaya bersama Perbadanan Putrajaya telah memilih UPM dan UM bagi permulaan pasukan sukan mendayung yang dipersetujui oleh Tun Dr. Mahathir. Ini bakal menjadi permulaan sejarah sama seperti perlumbaan Oxford/Cambridge, Waseda/Keio dan Yale/Harvard University Boat Race.

# Higher Education Sports Fest

30 OKTOBER - 2 NOVEMBER 2019 | UNIVERSITI TEKNIKAL MALAYSIA MELAKA (UTeM)

Kontinjen UPM juga telah menyertai Higher Education Sports Fest (HESF) 2019 yang telah diadakan di Universiti Teknikal Malaysia Melaka (UTeM), Melaka pada 28 Oktober hingga 2 November 2019. UPM telah dinobatkan sebagai Naib Juara keseluruhan dengan pungutan 19 pingat iaitu sembilan emas, lapan perak dan dua gangsa. Kontinjen UPM ditaris oleh 68 atlet dan 12 pegawai pasukan melalui penyertaan pasukan ping pong, renang, berbasikal, bola keranjang "3 on 3", bola tampar dan petanque. Sebanyak 31 kontinjen yang terdiri daripada kalangan institusi pendidikan tinggi (IPT) di Malaysia telah mengambil bahagian dalam kejohanan ini.

6 Renang  
1 Bola4 Renang  
1 Bola Tampar (L)  
2 Petanque  
2 Ping Pong1 Renang  
1 Bola Keranjang  
(3 On 3)



## Majlis Penyerahan Insentif Kecemerlangan Sukan Atlet IPT

Seramai 40 atlet UPM daripada pelbagai sukan telah menerima insentif di Majlis Penyerahan Insentif Kecemerlangan Sukan Atlet IPT yang berlangsung di KPT, Putrajaya pada 18 Disember 2019. Majlis penyerahan insentif ini diadakan sebagai tanda penghargaan pihak kementerian kepada atlet IPT yang telah menunjukkan kecemerlangan dalam sukan universiti di peringkat antarabangsa. Majlis tersebut telah disempurnakan oleh YB. Dr. Maszlee Malik, Menteri Pendidikan Malaysia.